

ՔԱՆԱՆԱՅԱԿԱՆ ՉԵՌՆԱԴՐՈՒԹՅՈՒՆ ԵՎ ՎԵՂԱՐԻ ՏՎՉՈՒԹՅՈՒՆ Ս. ԳԱՅԱՆԵ ԵԿԵՂԵՑՈՒՄ

Սույն թվականի սեպտեմբերի 5-ին, կիրակի, Վաղարշապատի Ս. Գայանե եկեղեցում տեղի ունեցավ քահանայական ձեռնադրություն: Նախորդ օրը, հավարտ երեկոյան ժամերգության, Մայր Տաճարում, նախագահությամբ Մայր Աթոռի լուսարարապետ Գերաշնորհ Տ. Գուսիկ արքեպս. Սանթուրյանի, կատարվել էր քահանայական կոչման արարողություն, որի ընթացքում Մայր Աթոռի միաբան Բարեշնորհ Արթուր սրկ. Ղևոնդյանն իր ուխտն էր կնքել և պատրաստակամություն հայտնել ծառայելու Հայ Առաքելական Եկեղեցուն՝ համաձայն Ուղղափառ դավանության և Սուրբ Հայրերի կանոնների:

Կիրակի առավոտյան Ս. Գայանե եկեղեցին լեցուն էր մեծաթիվ բազմությամբ: Հոգևոր աստիճանի շնորհման այս արարողությանը իրենց մասնակցությունն էին բերում վանաբնակ միաբանակից հայրերն ու եղբայրները, ներկա էին ձեռնադրվողի հարազատները, մտերիմ ընկերները և մեծ թվով հավատացյալներ: Իբրև խարտավիլակ իր վկայությունն էր բերում Հոգեշնորհ Տ. Մակար արքեպ. Հովհաննիսյանը, որի ուղեկցությամբ նորընծան ծնրադիր բարձրացավ խորան: Ի պատասխան ձեռնադրող Սրբազանի աղոթքների, դպրաց դասի և ներկա ժողովրդի կողմից լսվեց՝ «արժանի է»: Այնուհետև Ս. Պատարագի ընթացքում շարականների երգեցողության ներքո, Ավագ Խորան բարձրացվեց մյուռոնաթափ աղավնին, և Սրբազան Հայրը, կնքելով նորընծա քահանայի ճակատը, անվանակոչեց նրան Ս. Ղևոնդ քահանա: Իր քարոզի մեջ Հուսիկ Սրբազանը՝ սրտագինս շնորհավորեց նորածն Հայր Ղևոնդին, ապա հավատացյալ ժողովրդին մեկնաբանեց Չեռնադրության խորհրդի և քահանայական աստիճանի արժեքները:

Նույն օրը, երեկոյան, Մայր Տաճարում տեղի ունեցավ վեղարի տվչություն: Կրկին Տ. Գուսիկ արքեպս. Սանթուրյանի նախագահությամբ և Մայր Աթոռի միաբանների մասնակցությամբ, Տ. Ղևոնդ արքեպ. Ղևոնդյանը ստացավ վեղար՝ այդպիսով ընդունելով կուսակրոն քահանայության կարգ:

Իր քառասունորյա պահեցողության ավարտից հետո Կաթողիկոսական Տեղապահ Տ. Ներսես արքեպս. Պողոսյանի օրհնությամբ և կարգադրությամբ Հայր Ղևոնդը մեկնելու է Աթենք՝ տեղի աստվածաբանական համալսարանում բարձրագույն կրթություն ստանալու, ինչպես նաև պետք է մասնակից դառնա Աթենքի հայոց գաղութի կյանքին իբրև հոգևոր հովիվ:

Տ. ՂԵՎՈՆԴ ԱՐԵՂԱ ՂԵՎՈՆԴՅԱՆԸ ծնվել է 1972 թ. հոկտեմբերի 12-ին, Արտաշատ քաղաքում: Նախնական կրթությունը (1979-1990) ստացել է

